

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՄԱՍԻՆ

Բողոքի ծածկագիրը և ամսաթիվը՝ ԳԲԲԱ-ԼՕ-2019/24, 07.05.2019թ.

Բողոք բերող անձ՝ «Նաիրի Ինշուրանս» ԱՍՊԸ

Պատվիրատու ՀԱԷԿ ՓԲԸ

Ընթացակարգի ծածկագիրը՝ «ՀԱԷԿ-ԳՀԾՁԲ-16/19» ծածկագրով գնանշման հարցում

Գնման առարկա Բժշկական ապահովագրության ծառայությունների ձեռքբերում

Բողոքի պահանջը՝

1. Դադարեցնել և/կամ չեղյալ հայտարարել թիվ «ՀԱԷԿ-ԳՀԾՁԲ-16/19» ծածկագրով մրցույթի գնահատող հանձնաժողովի 26.03.2019թ. ժամը 11:00-ի նիստի թիվ 3 արձանագրության 7-րդ կետով կայացված՝ «Ռոսգոսստրախ-Արմենիա» ԱՓԲԸ-ին հրավերում տեղ գտած անհամապատասխանության համար շտկման հնարավորությունը ընձեռելու վերաբերյալ որոշումը՝ «Ռոսգոսստրախ-Արմենիա» ԱՓԲԸ-ի կողմից ներկայացված հայտը Հրավերի պահանջներին չհամապատասխանելու և այն մերժման ենթակա լինելու հիմքով:

2. Դադարեցնել և/կամ չեղյալ հայտարարել թիվ «ՀԱԷԿ-ԳՀԾՁԲ-16/19» ծածկագրով մրցույթի գնահատող հանձնաժողովի 29.03.2019թ. ժամը 10:00-ի նիստի թիվ 4 արձանագրության 4-րդ կետով կայացված՝ «Ռոսգոսստրախ-Արմենիա» ԱՓԲԸ-ի կողմից ներկայացված հայտը Հրավերի պահանջներին համապատասխանող և բավարար գնահատելու վերաբերյալ կայացված որոշումը՝ Հայտը հրավերի պահանջների չհամապատասխանելու և այն մերժման ենթակա լինելու հիմքով:

3. Դադարեցնել և/կամ չեղյալ հայտարարել թիվ «ՀԱԷԿ-ԳՀԾՁԲ-16/19» ծածկագրով մրցույթի գնահատող հանձնաժողովի 29.03.2019թ. ժամը 10:00-ի նիստի թիվ 4 արձանագրության 6-րդ կետով կայացված՝ «Ռոսգոսստրախ-Արմենիա» ԱՓԲԸ-ին առաջին տեղ զբաղեցրած Մասնակից ճանաչելու վերաբերյալ կայացված որոշումը և 7-րդ կետով՝ 1-ին տեղ զբաղեցրած մասնակցի կողմից ծանուցումը ստանալու օրվանից 3 աշխատանքային օրվա ընթացքում Հրավերով սահմանված որակավորման չափանիշները հիմնավորող փաստաթղթերը ներկայացնելու վերաբերյալ որոշումը և այդ որոշումից բխող այլ որոշումները:

4. Թիվ «ՀԱԷԿ-ԳՀԾՁԲ-16/19» ծածկագրով մրցույթի գնահատող հանձնաժողովին որպես իրավական հետևանք արգելել գնման ընթացակարգի մասով «Ռոսգոսստրախ-Արմենիա» ԱՓԲԸ-ին ճանաչել հաղթող և արգելել վերջինիս հետ կնքել պայմանագիր»:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



Ն/SU-39/2-3562

07.05.2019թ.

ՀՀ Ֆինանսների նախարարության
Բողոքներ քննող անձին
Հասցե՝ ք. Երևան, Մելիք-Աղամյան 1

Բողոք

Հավի առնելով այն հանգամանքը, որ առկա է նոր երևան եկած հանգամանք, որով բացահայտվել է ստորև ներկայացված գնման ընթացակարգում Պատվիրատուի կողմից թույլ տրված կոպիտ խախտում, սույն գնման ընթացակարգի գծով ներկայացվում է «Նաիրի Ինշուրանս» Ապահովագրական ՍՊԸ-ի երկրորդ բողոքը:

«Նաիրի Ինշուրանս» Ապահովագրական ՍՊԸ-ն /այսուհետ՝ Ընկերություն/ ուսումնասիրելով՝ «ՀԱԷԿ» ՓԲԸ աշխատակիցների բժշկական ապահովագրության ծառայությունների ձեռքբերման նպատակով հայտարարված գնանշման հարցման թիվ «ՀԱԷԿ-ԳՀՇՁԲ-16/19» ծածկագրերով Հրավերով /այսուհետ՝ Հրավեր/ գնահատող հանձնաժողովի 26.03.2019թ. նիստի թիվ 3 արձանագրությունը /այսուհետ՝ Արձանագրություն 3/ և 29.03.2019թ. նիստի թիվ 4 արձանագրությունը /այսուհետ՝ Արձանագրություն 4/, գտնում է, որ դրանք կայացվել են «Գնումների մասին» ՀՀ օրենքի/այսուհետ՝ Օրենք/, Հրավեր մի շարք դրույթների խախտմամբ, որն էլ հանգեցրել է Ընկերության իրավունքների և օրինական շահերի ոտնահարմանը, մասնավորապես.

1. Բողոքարկվող գնման ընթացակարգի ծածկագրերը և առարկան.
Ծածկագիր՝ թիվ «ՀԱԷԿ-ԳՀՇՁԲ-16/19»
Գնման Առարկա՝ «ՀԱԷԿ» ՓԲԸ աշխատակիցների բժշկական ապահովագրության ծառայությունների ձեռքբերման:
Պատվիրատու՝ «ՀԱԷԿ» ՓԲԸ /հասցե՝ ՀՀ, Արմավիրի մարզ, ք. Մեծամոր/:
2. Վեճի առարկան, բողոքի փաստացի և իրավական հիմքերն ու բողոքաբերի պահանջը.
Հրավերի 7.9 կետի համաձայն՝ «Եթե հայտերի բացման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝

Հասցե՝ ՀՀ, 0010, ք. Երևան, Կ.Սարգսյան 10 շենք, «Պիացա Գոառնթե» փոփոխական ընկերության մասնաճյուղ
Հեռ.՝ (+374 60) 50 00 60
Ֆաքս՝ (+374 10) 54 35 94
Էլ. փոստ՝ nairi@nairi-insurance.am
Կայք՝ www.nairi-insurance.am



հրավերի պահանջների նկատմամբ, բացառությամբ այն դեպքերի, երբ հայտում բացակայում է գնային առաջարկը կամ գնային առաջարկը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը>>:

Հրավերի II մասի Գևանշման հարցման հայտը պատրաստելու Հրահանգի 3.3. կետի համաձայն՝ «Մույն հրավերով նախատեսված՝ մասնակցի կազմված փաստաթղթերը ստորագրում է դրանք ներկայացնող անձը կամ վերջինիս լիազորված անձը (այսուհետ՝ գործակալ): Եթե հայտը ներկայացնում է գործակալը, ապա հայտով ներկայացվում է վերջինիս այդ լիազորությունը վերապահված լինելու մասին փաստաթուղթ>>:

Հրավերի հավելվածների համար սահմանված է դրանք չկնքվելու հնարավորություն, եթե դրանք հաստատվում են էլեկտրոնային թվային ստորագրությամբ, այդպիսինն է նաև Հավելված թիվ 4՝ գնային առաջարկի ներկայումը:

Էլեկտրոնային ստորագրությունն ակտիվացնել կարելի է գրանցվելով ԷԿԵՆԳ-ի Սպասարկման համակարգում և կատարելով համապատասխան վճարում առցանց վճարման համակարգի կամ բանկային վճարման միջոցով, հակառակ պարագայում էլեկտրոնային ստորագրությունը չի լինի վավեր, ուստի և դրանով հաստատված ցանկացած փաստաթուղթ կհամարվի անվավեր փաստաթուղթ:

Համաձայն Հրավերի 7.19 կետի, Հանձնաժողովի և (կամ) պատվիրատուի կողմից էլեկտրոնային ծանուցումներն ուղարկվում են համակարգի միջոցով, իսկ մասնակցի կողմից՝ իր հայտում նշված էլեկտրոնային փոստից սույն հրավերում նշված՝ հանձնաժողովի քարտուղարի էլեկտրոնային փոստին ուղարկվելու միջոցով:

Տեղեկությունների (փաստաթղթերի) էլեկտրոնային եղանակով փոխանակման դեպքում մասնակիցը տեղեկությունները (փաստաթղթերը) հաստատում է էլեկտրոնային թվային ստորագրությամբ որի հավաստագիրը պետք է զետեղված լինի «Նույնականացման քարտերի մասին» Հայաստանի Հանրապետության օրենքով սահմանված կարգով տրամադրված նույնականացման քարտում, կամ տեղեկությունները (փաստաթղթերը) ուղարկում է հաստատված բնօրինակ փաստաթղթից արտատպված (սկանավորված) տարբերակով:

Հայաստանի Հանրապետության ռեզիդենտ հանդիսացող մասնակիցները հայտում ներառվող՝ իրենց կողմից հաստատվող փաստաթղթերը հաստատում են էլեկտրոնային թվային ստորագրությամբ,

իսկ Հայաստանի Հանրապետության ռեզիդենտ չհանդիսացող մասնակիցները՝ այդ փաստաթղթերը ներկայացնում են հաստատված բնօրինակ փաստաթղթից արտատպված (սկանավորված) տարբերակով:

Օրենքի 30 հոդվածի 2-րդ մասի համաձայն՝ «Օրարը և հրավերով նախատեսված՝ մասնակցի կազմած փաստաթղթերն ստորագրում է դրանք ներկայացնող անձը կամ վերջինիս լիազորած անձը (այսուհետ՝ գործակալ): Եթե հայտը ներկայացնում է գործակալը, ապա հայտով ներկայացվում է վերջինիս այդ լիազորությունը վերապահված լինելու մասին փաստաթուղթ:

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Նույն հոդվածի 2-րդ մասի 1-ին կետի համաձայն՝ Առաջին տեղը զբաղեցրած մասնակիցը որոշվում է բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով:

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ) 40-րդ կետի 4-րդ ենթակետի համաձայն՝ հայտերի բացման նիստում հանձնաժողովը մերժում է այն հայտերը, որոնցում բացակայում են գնային առաջարկը և (կամ) հայտի ապահովումը կամ եթե դրանք ներկայացված են հրավերի պահանջներին անհամապատասխան:

Կարգի 41-րդ կետի համաձայն՝ եթե հայտերի բացման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի, երբ հայտում բացակայում է գնային առաջարկը կամ հայտի ապահովումը, կամ գնային առաջարկը, կամ հայտի ապահովումը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Ընկերության կողմից սույն ընթացակարգով ներկայացված թիվ ԳԲԲԱ-ԼՕ-2019/01 բողոքի քննության ընթացքում պարզ դարձավ, որ Պատվիրատուին «Ռոսգոստորախ-Արմենիա» ԱՓԲԸ-ի /այսուհետ՝ Կազմակերպություն/ կողմից ներկայացված հայտի բավարար դիտարկման համար ներկայացված փաստաթուղթն իրենից ներկայացնում է 06.03.2019թ-ին կազմված տվյալ կազմակերպության ղեկավարի կողմից ստորագրված թիվ 262-Ա հրամանը, որով տվյալ կազմակերպության աշխատակցին տրվել է կազմակերպության անունից պետական գնումների ընթացակարգերին մասնակցելու ժամանակ

կազմակերպության անունից ներկայացվող փաստաթղթերը էլեկտրոնային ստորագրությամբ վավերացնելու իրավասություն:

Տվյալ գնման ընթացակարգի բոլոր փաստաթղթերի հավաստման համար կիրառվել է Կազմակերպության ներկայացուցիչ Արմինե Բաղայանի էլեկտրոնային թվային ստորագրությունը, որը Հնկերության կողմից բացահայտած տեղեկատվության համաձայն կիրառման պահի դրությամբ եղել է ոչ վավեր էլեկտրոնային ստորագրություն, մասնավորապես.

Հնկերության կողմից մեկ այլ գնման ընթացակարգի /թիվ ՊՕԳՀ-ՄՁԲ-2019/2 ծածկագրով մրցույթ/ շրջանակում www.gnumner.am կայքում հրապարակված տեղեկատվության /թիվ 2 Արձանագրություն/ ուսումնասիրման ժամանակ 07.05.2019թ-ին բացահայտվել է, որ «Ռոսգոսստրախս-Արմենիա» ԱՓԲՀ-ի ներկայացուցիչ Արմինե Բաղայանի էլեկտրոնային թվային ստորագրությունը ոչ վավեր է: Տվյալ տեղեկատվության տիրապետմամբ Հնկերությունը ձեռնարկել է միջոցներ և www.ekeng.am կայքի համապատասխան ծրագրային ապահովմամբ ստուգման է ենթարկել թիվ «ՀԱԷԿ-ԳՀՄՁԲ-16/19» գնման ընթացակարգի ժամանակ «Ռոսգոսստրախս-Արմենիա» ԱՓԲՀ-ի ներկայացուցիչ Արմինե Բաղայանի էլեկտրոնային թվային ստորագրությամբ հավաստված փաստաթղթերի, Կազմակերպության կողմից ներկայացված փաթեթի, այդ թվում՝ ներկայացված Հավելված թիվ 4 գնային առաջարկի փաստաթուղթը և պարզել, որ Կազմակերպության հայտը ստորագրված է ոչ վավեր էլեկտրոնային թվային ստորագրությամբ, ուստի և տվյալ Կազմակերպության կողմից ներկայացված հայտը Պատվիրատուն պարտավոր էր դիտարկել Հրավերի պահանջներին անհամապատասխան և մերժեր վերջինիս հայտը, որը սակայն չի իրականացվել:

Ստացվում է, եթե Գնահատող հանձնաժողովը գործեր վերոնշյալ իրավական նորմերի պահանջներին համապատասխան, ապա Կազմակերպության կողմից ներկայացված հայտը, որն ըստ էության ներկայացվել է Հրավերով նախատեսված պայմաններին չհամապատասխանող վիճակում՝ ոչ վավեր էլեկտրոնային թվային ստորագրությամբ, պետք է մերժեր Կազմակերպության կողմից ներկայացված հայտը, ինչ արդյունքում 1-ին տեղ կզբաղեցներ Հնկերությունը, որը ըստ օրենքի խախտմամբ կազմված Արձանագրությունների գրադեցրել է 2-ր տեղը:

Ստացվում է, որ Հանձնաժողովը թիվ 4 Արձանագրության 4-րդ կետի համաձայն՝ Կազմակերպության Հայտը բավարար գնահատելով, գործել է ոչ իրավաչափ և խախտել է Օրենքի 30 հոդվածի 2-րդ մասի, 34 հոդվածի 1-ին մասի պահանջները, որն ամիջականորեն հանգեցրել է Հնկերության օրինական շահերի և իրավունքների խախտմանը, քանի որ վերջինս գրվել է Օրենքի պահանջներին համապատասխան 1-ին տեղ գրադեցնող մասնակից ճանաչվելու օրինական հնարավորությունից:

Օրենքի 46-րդ հոդվածի 1-ին մասի համաձայն՝ յուրաքանչյուր անձ իրավունք ունի բողոքարկելու պատվիրատուի, գնահատող հանձնաժողովի և գնումների հետ կապված բողոքներ քննող անձի գործողությունները (անգործությունը) և որոշումները:

Նույն հոդվածի 3-րդ մասի համաձայն՝ յուրաքանչյուր անձ իրավունք ունի սույն օրենքի համաձայն նախքան պայմանագրի կնքումը բողոքարկելու պատվիրատուի և գնահատող հանձնաժողովի գործողությունները (անգործությունը) և որոշումները գնումների հետ կապված բողոքներ քննող անձին:

Օրենքի 50-րդ հոդվածի 7-րդ մասի 1-ին կետի համաձայն՝ Գնումների հետ կապված բողոքներ քննող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ՝ պայմանագրին անվավեր ճանաչելու մասին որոշման:

Նույն հոդվածի 9-րդ մասի համաձայն՝ բողոքի քննությունը բաց է հանրության համար, բացառությամբ պետական գաղտնիք պարունակող գնումների: Բողոքն ստանալու օրվանից հաշված՝ մեկ աշխատանքային օրվա ընթացքում, այդ մասին գնումների հետ կապված բողոքներ քննող անձը հայտարարություն է հրապարակում տեղեկագրում՝ նշելով հրապարակման ամսաթիվը:

Օրենքի 51-րդ հոդվածի 1-ին մասի համաձայն՝ Գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը:

Այսպիսով, ղեկավարվելով վերոթվարկյալ իրավական հիմնավորումներով, խնդրում ենք.

1. Դադարեցնել և/կամ չեղյալ հայտարարել թիվ «ՀԱԷԿ-ԳՀԾՁԲ-16/19» ծածկագրով մրցույթի գնահատող հանձնաժողովի 26.03.2019թ. ժամը 11:00-ի նիստի թիվ 3 արձանագրության 7-րդ կետով կայացված՝ «Ռուզոսստրախ-Արմենիա» ԱՓԲԸ-ին հրավերում տեղ գտած անհամապատասխանության համար շտկման հնարավորությունը ընձեռելու վերաբերյալ որոշումը՝ «Ռուզոսստրախ-Արմենիա» ԱՓԲԸ-ի կողմից ներկայացված հայտը Հրավերի պահանջներին չհամապատասխանելու և այն մերժման ենթակա լինելու հիմքով:
2. Դադարեցնել և/կամ չեղյալ հայտարարել թիվ «ՀԱԷԿ-ԳՀԾՁԲ-16/19» ծածկագրով մրցույթի գնահատող հանձնաժողովի 29.03.2019թ. ժամը 10:00-ի նիստի թիվ 4 արձանագրության 4-րդ կետով

կայացված՝ «Ռոսգոսստրախ-Արմենիա» ԱՓԲԸ-ի կողմից ներկայացված հայտը Հրավերի պահանջներին համապատասխանող և բավարար գնահատելու վերաբերյալ կայացված որոշումը՝ Հայտը հրավերի պահանջների չհամապատասխանելու և այն մերժման ենթակա լինելու հիմքով:

3. Դադարեցնել և/կամ չեղյալ հայտարարել թիվ «ՀԱԷԿ-ԳՀՄՁԲ-16/19» ծածկագրով մրցույթի գնահատող հանձնաժողովի 29.03.2019թ. ժամը 10:00-ի նիստի թիվ 4 արձանագրության 6-րդ կետով կայացված՝ «Ռոսգոսստրախ-Արմենիա» ԱՓԲԸ-ին առաջին տեղ զբաղեցրած Մասնակից ճանաչելու վերաբերյալ կայացված որոշումը և 7-րդ կետով՝ 1-ին տեղ զբաղեցրած մասնակցի կողմից ծանուցումը ստանալու օրվանից 3 աշխատանքային օրվա ընթացքում Հրավերով սահմանված որակավորման չափանիշները հիմնավորող փաստաթղթերը ներկայացնելու վերաբերյալ որոշումը և այդ որոշումից բխող այլ որոշումները:
4. Թիվ «ՀԱԷԿ-ԳՀՄՁԲ-16/19» ծածկագրով մրցույթի գնահատող հանձնաժողովին որպես իրավական հետևանք արգելել գնման ընթացակարգի մասով «Ռոսգոսստրախ-Արմենիա» ԱՓԲԸ-ին ճանաչել հաղթող և արգելել վերջինիս հետ կնքել պայմանագիր:

Կից ներկայացվում՝

1. «Նաիրի Ինշուրանս» ԱՍՊԸ-ի գործադիր տնօրեն Հ. Գևորգյանի անձը հաստատող փաստաթղթի պատճենը,
2. ՀՀ ԿԲ Նախագահի թիվ 1/347 Ա էլեկտրոնային որոշման պատճենը,
3. «Նաիրի Ինշուրանս» ԱՍՊԸ-ի գրանցման թիվ 8 վկայականի պատճենը,
4. Թիվ 3 և թիվ 4 Արձանագրությունների պատճենները,
5. «Ռոսգոսստրախ-Արմենիա» ԱՓԲԸ-ի և գնման ընթացակարգի մյուս մասնակիսների կողմից ներկայացված գնային առաջարկ Հավելված թիվ 4 փաստաթղթի վրա կիրառված էլեկտրոնային թվային ստորագրությունների վավերականության ստուգման ապացույց՝ թղթային և էլեկտրոնային կրիչով,
6. Պետական տուրքի վճարման անդորրագրի բնօրինակը,
7. Թիվ ՊՄԳԸ-ՄՁԲ-2019/2 ծածկագրով մրցույթի թիվ 2 Արձանագրություն:

Գործադիր տնօրեն՝



[Signature]
Հովհաննես Գևորգյան